

# Nossa raspada



CORPORAZIUN  
EVANGELICA  
VALSOT

*Cur chi'd ais avantman la buna vöglia, ais il dun agradi a radschun da quai chi s'ha e na a radschun da quai chi nu s'ha.  
(2Cor 8,12)*

Allegra!

Amo minchatant guardaina plü gugent sün quai chi manca co sün quai chi'd es avantman, sün quai chi resta imperfet co sün quai chi grataja, sün quai chi fa cha'l magöl para mez vöd invezza da mez plain. Suot nos sguard sever nu patischan be noss prossems, ma eir nus sves: a regard nos agen pensar e far, schi dafatta noss sentimaints, eschna severs güdischs. La conseguenza sun relaziuns cumplichadas cun oters e cun nus sves. Uschè fess la buna vöglia manzunada da Paulus tant bain a tuots: Generusità es üna da quellas virtüds chi nu's po mai exercitar avuonda. Quai nu voul dir chi nu's das-cha critichar, ma chi's vezza l'inter purtret. Uschè vain plü facil s-chaffida üna nouva egalità: eu poss ris-char da m'ingaschar cun quai ch'eu n'ha in abundanza sainza temma da güdizis ed artschaiv da meis prossem quai chi'm manca. Cun ün cordial salüd,

Vos rav. Christoph Reutlinger.

*Pravenda evangelica*

7559 Tschlin

tel. 081 866 32 63

[www.valsot-ref.ch](http://www.valsot-ref.ch)

## Cults divins settember 2024

*Dumengia, ils 8 settember*

09:30 Ramosch

11:00 Vnà

17:00 Martina

rav. Christoph Reutlinger

*Festa federala, ils 15 settember*

09:30 Ramosch

11:00 Tschlin

17:00 Samignun

rav. Christoph Reutlinger

*Dumengia, ils 22 settember*

09:30 Strada (cun battaisem d'Ava Spühler)

11:00 Tschlin

rav. Christoph Reutlinger

*Volver, per plaschair!*

## **Giantar cumünaivel a San Niclà**

i'l cafè sper l'En

*Mercurdi, ils 18 settember a partir da las 12:00.*

Per plaschair s'annunzchar pro Cilgia Etter:

079 530 70 58

## **Viadi dals attempats a Monstein**

Il viadi dals attempats ha lö **mercurdi als 11 settember** e'ns maina quist on a Tavo. Nus scuvrin il bel cumün da Monstein e giodain la cumpagnia cun ün bun giantar. Davomezdi giaina a verer il museum dals miniers.

Annunzchas (fin als 6 settember) pro Maria Pardeller, numer da telefon 081 866 37 74.

Cuosts: fr. 40.–

Urari dal bus da Guler:

08:00 Martina

08:05 Strada Cuncalada

08:10 spartavias Seraplana

08:15 Ramosch, fermada

Per partecipants da Tschlin e Vnà organisaina il transport a man da las annunzchas.

Nus tuornain vers saira in noss cumüns.

Nus ans allegrain sün numerusa partecipaziun!  
/il consistori e rav. Christoph Reutlinger